



潛莊刪訂增補紫玉記卷下

清溪玉麈山人筆

第二十一齣 惜別

小生上

番上筭春色暗蓬萊。紫陌朝初下玉堂。鈴索動邊愁。寶劍悲離匣。

浣紗溪御宿高花滿桂林。令君香暖出衣襟。玉池仙篆正堪臨。○羌笛無端摧折柳。蜀窠還用綉林禽。一心人。繼一人心。下官李十郎名魁多士官拜詞林。因朔方兵火未淨。上命丞相杜黃裳行邊。詔



紫玉記 卷一
下官參彼軍事喜得石子英中了武狀元花敬定
昨日有本奏請邊頭効川尚子昆亦表奏西歸已
叫秋鴻去打聽了不知旨意如何丑上漏長丹鳳
闕花滿白雲笥我秋鴻奉主人之命到中書省衙
門去探聽花老爺邊關効川的本章併尚老爺期
滿歸國的本章已奉有旨意花爺仍點西川節度
使尚爺奏准歸國勅光祿寺賜宴翰林院撰文送
回吐番石老爺又欽點隴西節度聽見三位老爺
就要到俺家辭別爲此急急趕來回報見介小生
秋鴻你探聽得旨意下了不曾丑取有朝報呈上

紫玉記 卷下 二
小生呀二月十六日吏部一本爲經畧松潘事西
川節度使缺仍推驍騎衛將軍花卿奉聖旨有點
十七日兵部一本爲經畧吐番事隴西節度使缺
推武狀元石雄奉聖旨有點十八日禮部一本爲
朝正侍子歸番禮儀事奉聖旨光祿寺賜宴翰林
院撰答番書呀俺去朔方叅軍俺三個朋友也多
四方分散了後會不知何時可傷懷也秋鴻你去
打聽三位老爺幾時起程丑聖旨教該部星夜打
發起程纔間小的在御街上遇着他三家門幹說
三位老爺就到俺府中來辭別了小生這等快脩

酒筵生末副上

夜游朝名勝。聯翩西北去。時難駐。離思愁餘。玉鏤衢鞍。花明攔劍。皎日寸心相許。

相見介。經春共游息。一旦各聯翩。莫論行近遠。終是隔山川。小生敬定兄。節度松州尚在內地。子英兄此去隴西。正是吐番蹂踐之地。子毘兄亦復西歸。吐番不知何年再朝中國。天涯兄弟一旦分飛。可爲愴然。生尚君西歸。終有南來之日。子英年壯立功。周旋尚早。只有老夫日暮途遠。恐當沒齒邊陲。星星白髮。無相見期矣。小生老節度釣渭飛熊。

伏波躍馬。定當奏凱還朝。只是暫別。驚心未免。耿耳石兄。仗君威靈。恢復隴西。先君神道。伏乞掃除。尚兄倘有信使。幸賜箋書。下官明後日。叅軍朔方。闕山勞險。未卜前途。但男兒亢壯。當勉力功名。別酒離歌。且盡今日。生征軒有色。杯酒無心。奈何。小生勿謂一杯酒。明日難重持。秋鴻看酒。丑桃花嘶別路。竹葉滿離尊。稟老爺酒到。把酒介。

皂羅袍。別酒寸腸裁。繫送將軍遠戍。侍子遙歸。長亭一路。羽旗飛。參差色。映桃花水。合黃山路。遶青驪。去遲。呼儔戒旅。傷心此時。今朝撇下河梁袂。

前腔。蚤是消魂別去。侶猿斷三聲鶴。迴五里關山迢
遞本難期。那從軍朔方去。俺四人呵。合弓調鵲血。
刀寒鷓鴣邊頭。意氣崢嶸爲誰。但願得條支再覩西
王使。副

十郎你說條支再覩西王使。是望俺重到中國了。
豈知小弟之意。本留戀秦華。不欲西歸。只是爲使
臣的義當反命。俺到國中。便隱居崑崙山下。不婚
不宦。樂志終身。恐不得重與三兄相聞了。小生兄
雖有秦華崑崙之興。只怕吐番王不許。強欲相屈
耳。昔駒支由余顯迹。西戎兄當出勸我王安邊保

國何得痼疾。山林高眠不救乎。副謹領罷酒。了小
生下官還要送別。延秋門外。送行介。

香柳娘。送征人淚滋。送征人淚滋。重輪疊騎。飄霞映
日。翻紅旆。把心旌。頓飛。把心旌。頓飛。呀。羣嘆索居閑。
敲唾壺碎。合聽邊頭笛吹。聽邊頭笛吹。折柳題梅封
書好寄。

前腔。忍登臨送歸。忍登臨送歸。胡天漢地。長安曉日
空迴。袂暖春雲雁飛。暖春雲雁飛。離身怯路岐。鄉心
轉無賴。合前聽邊頭笛吹。聽邊頭笛吹。折柳題梅封
書好寄。別了罷。拜介。

尾聲。陌。暖。春。烟。醉。柳。絲。叫。不。住。嘶。塵。別。騎。還。記。取。把。淺。延。秋。折。贈。時。

並下小生弔場秋鴻回去罷你看三位老爺去時有俺相知送他明日俺行併沒有三位老爺送俺想起功名都有崎嶇離別之苦也正是

萬里鳴沙擁戰塵

輕弓短劍到西秦

征衫已帶青羌色

別淚還持送故人

第二十二齣

紅亭

小旦盤頭披風雜推車貼捧杯盤隨上

卜筮子。叵。館。暗。高。枝。滾。地。飛。柔。絮。無。端。燕。羽。欲。差。池。

薄倖成離緒

河傳。春。來。花。暖。離。情。不。管。浥。透。青。衫。雨。餘。香。汗。草。送。到。溝。頭。層。波。入。鬢。流。金。缸。滿。捧。盈。盈。淚。將。人。昵。魂。隨。到。千。里。想。征。驂。去。也。更。回。首。東。風。恨。應。同。浣。紗。俺。今。日。到。灞。橋。紅。亭。餞。送。十。郎。却。蚤。腸。斷。了。也。眾。擁。小。生。紗。帽。披。風。上。

前腔。碎。語。雜。嬌。啼。宛。轉。別。離。緒。海。棠。紅。露。濕。胭脂。淚。盡。人。何。處。

梁園初罷雪，楚岫正爲雲，誰道淮南客，翻從塞北軍，左右把車騎，停在灞橋驛外，待夫人餞酒畢了

起行者相見介小生出門何意向邊州小旦夫你
 匹馬今朝不少留小生妻極目關山何日盡小旦
 斷腸絲竹為君愁十郎夫今日雖然壯行難教妾
 不悲怨前面灞陵橋也妾待折柳尊前一寫陽關
 之思看酒來

北寄生草一曲陽關奏潛潛淚玉壺江干桃葉凌波
 渡汀洲烟草粘雲漬霸橋堤柳迎風訴折柳介柳呵
 你纖腰慣作緝人絲可笑你自家飛絮渾難住

小生小玉姐想前夜歡娛也

前腔綉幕懸金縷銀床疊錦氍毹窩宛轉春無數花

心歷亂魂難駐陽臺半霎雲何處起來鸞袖欲分飛
 問芳卿是誰斷送春歸去

小玉姐有甚相贈否小旦有愁淚千行穿作珍珠
 沾君袖也

前腔否頰垂紅綫桃腮走碧珠春纖亂點檀霞注
 明眸謾蹙回波顧長裙皺拂行雲步送君南浦恨何如
 想今宵相思有夢愁難做

十郎夫可也下些淚點沾妾衣袂以見留戀之意
 否小生丈夫非無淚不洒婦人衣小旦微怒介好
 狠心人也小生小玉姐俺丈夫淚珠落在肚裏

前腔俊語閒。棖觸迴腸轉。轆轤小玉姐。你通心的鈕。扣。麩。麩。束。聯。心的。腰。綵。柔。柔。護。驚。心的。襯。褥。微。微。絮。分明。殘。夢。有。些。兒。睡。醒。時。好。生。收。拾。疼。人。處。

小旦聽這話。想不是薄情夫婿也。十郎夫你去後。教人怎消遣度日。

解三醒俺怎生有聽嬌鶯情緒。全不着整花朵工夫。從今後怕愁來無着處。聽鴻雁盼音書。想駐春樓畔。花無主。落照闌邊。妾有夫。河橋路見了些無情畫舸。有恨香車。

小生俺怎生便去了也。再看酒。

前腔倚片玉生春。乍熟受多嬌。密寵難疎。正寒食。泥香新。燕乳行不得。話提壺。把驕驄繫住。相思樹。鄉淚穿成九曲珠。縈懷事。問歸來。朱輪西。駁。念般殊。

小旦十郎夫前日同你遊園。在昆明池上。對着牛女盟言。妾時時佩服。願郎弗忘于願足矣。

前腔是水沉香。燒得前生斷續燈花喜。知他後夜有無記。一對兒守教三十許。盟和誓莫成虛。十郎夫他絲鞭有分多。奇女你紅粉無依。一念奴關心事。省可的紅紗封淚。錦字挑思。

小生掩淚與小旦拭淚介。小玉姐。怎說這話也。

前腔。咱夫人城傾城怎遇。便到女王國。傾國也難摸。拜辭你何郡主參軍去。那花沒艷。酒無娛。總饒他真珠掌上。能歌舞。忘不了你小玉。窻前自嘆。吁傷情處。看了你暈輕眉翠。香冷唇朱。

內打太平鼓。次吹喇叭。鳴鑼。次吹畫角。次吹海螺。馬嘶鈴响。老旦唱上。

前腔。唱驪駒。敲殘羯鼓。鞭雲騎。拘折珊瑚。十郎征車。笳鼓催得恁忙。你夫妻們索放手了。將酒來待老身。送上馬者。老旦送酒。小生立飲。介。老才子跨征鞍。思婦愁紅玉。小生芳草送鶯啼。落花催馬足。老看侯村。

絕。寒。奇。男子。身。任。當。門。女。丈。夫。朔。飛。遷。客。啼。鸚。鵡。南。翥。閨。人。舞。鷓。鴒。兼。程。赴。穩。看。取。龍。庭。捷。奏。麟。閣。名。圖。

小生戎裝。小旦冠帔。小生小玉姐。你聽簫鼓喧鳴。催人行色。匆匆密意。非言所盡。只索拜別了也。拜別介。小生豈無閨秀情。仗劍為功名。小旦今日愁腸斷。陽關第四聲。小生還是無情。陽關第一聲也。堪腸斷了。

鷓鴣天。小生紅亭別酒話躊躇。老旦小旦走馬憐君。萬里途。小生但願封侯。龍額貴。老旦小旦不妨中婦。鳳樓孤。衆擁小生下。請回去罷。衆內呼擁老旦小旦。

望介娘你看他千騎擁萬人呼老旦兒呵這纔是富
貴英雄美丈夫小旦浣紗吩咐千戶官兒寄語參軍
教他關河到處休離劍驛路逢人數寄書

雜推車老旦小旦並下

第二十三齣 征途

雜扮將官執鎗引四卒各弓箭腰刀上

金錢花開成朝雨陽關陽關輪臺古月陰山陰山鳴

笳疊鼓震戍首腰錦綉跨雕鞍持節去凱歌還

小將奉兵部大堂命令差送參軍李爺赴朔方中
書省想早晚便到只索迎上前去者雜下衆擁小

生盃甲上

滿庭芳細柳紅營長楊綠樹畫橋水樹陰團馬嘶芳
草何事拂征鞍為問綠窓惆悵青衫濕袖口香寒還
相憶霸橋分袂魂夢繫長安

城頭日出使車來古戍花深馬埒開忽聽鳴笳兼
畫角聲聲思入古輪臺恨殺陌頭楊柳色縮定青
山留不得思婦空啼渭水南征夫早向交河北昨
日小玉姐送我到霸橋折柳餞別縈我心胸其奈
符勅限緊不得淹留只得收淚長辭麾軍上路左
右號令整齊隊仗者雜應介將官引衆跪迎介小

將奉兵部大堂命令撥兵候送叅軍爺出關上路
小生生受你們了便上路去

朝元歌風。氳馬塵。曉色籠驂。朝河濱。彩輪。淥水隨流。
軫黑隊奔蛇。文旗畫隼。電轉星搖。一瞬踏鼓揚鉦。南
庭朔方知遠近。草色伴王程。皇華送使君。合游韁帶
緊。早趁封侯鵲印。

雜扮將官引衆跪接介。小將等奉邠國公朔方節

度使杜帥爺命令迎候叅軍爺上任。小生知道了。

前腔。回瞬長安日近。紅亭在別君。霸陵樹引紫陌憶
閨人雪嶺燕支。雲臺玉粉。去住此情難問。短劍防身

胡沙朔風吹旅鬢。年少去從軍。恩榮變苦辛。合游韁
帶緊。早趁封侯鵲印。衆下

第二十四齣 抵塞

外國公帽蟒袍玉帶引二堂候官唱上

一枝花牙旗翻翠葆。彈壓燕支道。轅門金甲偃。閒吟
眺。元髮初驚坐。聽新蟬噪。大樹將軍老。柳色槐陰偏。
稱羽扇。綸巾清嘯。

臨江仙。河漢千年鳳舞。烟沙萬里龍荒。封侯只愛
酒泉鄉。關山瞻漢月。戈劍宿胡霜。紫塞夜搖風。
角。薇垣曉動星芒。翩翩書記舊河梁。幕中邀謝鑒。

麾下得周郎老夫杜黃裳歷事三朝久鎮漠北建
 牙開府秉鉞行邊從前奏請叅軍記室蒙聖恩勅
 送新科狀元李益來此叅軍已到受降城外安歇
 想今晨必來進見雖則駕行新進實卹鳳勅旬宣
 敢恃崇班宜從盛禮官兒李爺到門未堂官已到
 門上候見多時了外請見衆擁小生上

生查子萬里擁旌旄寶馬青絲裊相府動珠衡帥幕
 紅雲遶

進見介小生開府先朝傑外叅軍出衆材小生榮

華卿月好外珍重使星來小生氣色歸元宰外文

章落上台小生長城方借重外看汝畫雲臺久聞

李狀元玉堂仙品何緣紫塞叅軍左右看酒雜送

酒介

梁州新外玉堂年少日華天表共仰雍容廊廟何緣

關塞逢迎仙旆飄搖似你三千禮樂十萬甲兵百二

河山小白來帷幄裏夢賢豪萬里雲霄一羽毛合清

和候烟塵道展營門細柳平安報軍中宴鎮懽笑

小生朝廷以老相國上公屈尊臨塞特遣晚生仰

瞻顏色聊備記室之司敢綴叅軍之後平生仰相

國威名重于山嶽似晚輩鄙才何當過獎

此處參用
紫釵情緒
具見十郎
才具

前腔小生非熊奇貌。臥龍風調。綠鬢朱顏不老。長城
萬里。君侯坐擁幢旄。快覩軍容出塞。將禮登壇冠世
英雄表。金湯生氣象。迴銅標。圖畫麒麟第一高。合清
和候烟塵道。展營門細柳平安報。軍中宴鎮懽笑。
外參軍到此，卽有一事相商。玉關之外，有大河西，
小河西二國。自漢武皇開西域四郡，隔斷匈奴。這
兩國年年貢獻大漢。大河西獻西涼葡萄酒，送在
酒泉郡賜宴。小河西獻五色鎮心瓜，送在北瓜州。
犒賞到大唐初年，舊規不改。近有吐番挾制貢獻
久疎，意欲興兵。未知聖意若何。相煩草奏。小生領

命據晚生愚見，河西貢獻不至，興兵主見不錯。但
四五月間，晴雨不常，天氣未便。晚生叨以筆墨從
事，願草尺素之書，先寒二國之胆。更容晚生分兵
戍守回樂峰前，受降城外，駐札回中，以絕吐番之
路。使他不致空國而南，則酒泉不竭于唐，甘瓜復
延于漢矣。外參軍妙論，具見高才。中軍明早到參
軍府，領下檄文二道，矯詔宣諭大小河西二國，責
其久缺貢獻，倘敢不服，卽便奏請興兵。再諭五營
諸將，參軍爺明日分守回樂峰前，受降城外，駐札
回中，斷絕吐番之路。卽飭諸將部署，隨往分守不

得有違左右取大觥敬酒

前腔小生染宮袍來附金貂總戎陣未妨魚鳥拚花

邊簇馬風前歌帽看金笏沸地玉帳摩天怎不信邊頭

好侍雄豪書劍從軍敢憚勞合清和候烟塵道展營

門細柳平安報軍中宴鎮懽笑

外官兒後營催歌妓們上堂巡酒歌舞者衆旦各

舞衣上整頓舞衣雲出塞動搖歌扇月臨邊衆旦

叩見送酒唱介

節節高金花貼鼓腰一聲敲銀箏檀板清商繞龜茲

樂于闐操花門笑怕人間譜換伊涼調甘州入破橫

雲叫合酒洒西風茜征袍軍中且唱從軍樂

衆旦舞介

前腔纔停碧玉簫陣花飄紅營錦帶翩翩耀風前掉

掌上嬌盤中俏胭脂山下人年少紅矍隊裏紅燈照

合酒洒西風茜征袍軍中且唱從軍樂

尾聲雲璈奏入行雲表月當頭舞罷人長嘯外泰軍

但願你生還萬里舊班超

小軍中高宴夜堂開外城上烏驚探馬來

小火照墨花飛草檄外衆傳君負佐王才

第二十五齣 幽思

小旦貼上

月兒高。嫌單愛偶軟的腰肢瘦。離愁動頭。正是愁時。候。首夏如秋。這冷落誰生受。儂知否。池塘綠皺。雙鴛鎮並頭。

菩薩蠻 玉釵風動春幡急。海棠濃露胭脂泣。香閣

掩芙蓉。畫屏山幾重。照花前後鏡。花面紅相映。

何處最相知。羨他初畫眉。浣紗十郎新婚一月送。

別從軍。無情無緒等閒。又是杜鵑時候好。天氣困

人也。

好事近 風日洗頭天。頰鬢半壓香肩。寶檀消篆。怪飛

絲裊霧撩烟。可憐九十光陰如線。春過了芍葯欄前。唉。那會心人兒去遠。便看花滿眼。鎮日無言。

貼 少女少郎相樂不忘。恰正好處。又蚤撒下。你是聰明人。且自消遣。

錦纏道 小嬋娟是天家快活神仙。儘紅笙玉串。隱花叢。把簫娘送上鞦韆。還做作百般消遣。怎只為斷紅零片。心亂落花前。背介我曉得他粉腰香膩。慣了着人。伶。回介想着教人。繾綣側身兒。委的是難眠。

小旦 正是了。俺當初做女孩兒。早貼着秀窩兒。穩穩的睡。也不省得什麼孤另。長笑女伴。門。害相思。

的。如今恰到俺了。**貼**一時着他慣了，便難擺佈。**小旦**怕轉要相思哩。

普天樂犯往常間。無愁怨。看春也尋常。遍怪他行。怎着相思恰如今。到了儂邊。怎由人願。傷心脉脉。情何限。泣斜陽。淚洒欄干。十二對孤月。魂飛闕塞三千。

丑上欲消懷恨事。須問決疑人。郡主外邊有一個道姑。一個師巫。是打卦灼龜的。可要喚他進來占。卜麼。**小旦**我正要求問十郎消息。這却甚好。櫻桃。你去喚他進來。**丑**曉得。**下**

隔尾紅亭一去倏三年。十郎夫數歸期。望斷闕河遠。

流紗安排香案。待我默告神靈。為十郎上問歸期者。**貼**曉得。**小旦**天呵。若要得那朔方的消息。除非是香。熱金猊。默問天下。

雜扮道姑執畫軸。箸全**丑**上。

水底魚黃。筆蹁躑。插上紫霞冠。相思萬千。一笞破愁顏。

丑郡主有請。**小旦**上碧窻斜月。藹深暉。愁聽寒蟬。淚濕衣。夢裏分明見。闕塞不知何路向。金微見介。**小旦**姑姑何來。**雜**小尼是水月菴中住持。聞得郡主為官兒朔方。泰軍尋訪。祈求為此。特請世尊古。

像來憑信驗。小旦甚好。雜掛觀音像打答小旦拈香拜介。

江兒水紫竹林中現。罩祥雲擁白蓮。慈光普照塵寰。遍惟有妾身兒夫一去三年。離恨天望不見人兒返。相思海摸不着。鍼兒轉頻稽首。威靈如見。雜好好好。占得夫妻巧合。上上答訣。應在秋初。郡主快寫緣簿。小旦寫介。信女霍小玉爲兒夫李益。朔方參軍三年。不得音耗。施捨十萬貫。助水月道場。專祈神力護持。雜我這世尊娘娘。矢志洪深。施恩廣大。想官兒早晚便歸也。合願捨金錢。博得個兒夫回轉。

雜下。雜持手卷龜兒上。丑。又一個師巫來了。

天。水底魚鵲繞爐烟。檀袖學通參。靈龜走盤呼吸。直通。

見介。小旦這位師巫又從那裏來的。雜是神州聖母娘娘觀中的觀主。小旦這手中龜兒手卷。要他何用。雜聽得人說。郡主要問官兒朔方消息。特請聖母靈龜到來。與郡主卜問。請郡主拈香拜禱。雜將手卷攤桌上。捉龜兒走介。小旦拈香拜介。

江兒水。鼎蒸蘭膏。辦盼青鸞降碧壇。皈依細訴深深願。冀才郎學一對雙飛燕。望靈神不教做孤鳴雁。但

願得慈恩溥遍。雜妙妙。龜兒走得巧。剛好走到牛
郎織女鵲橋渡河的故事上。今年七夕之夜。一定夫
婦團圓。快請郡主寫疏施捨。小旦寫介信女霍小玉
爲兒夫李益。朔方參軍三年不得音耗。喜捨神州會
香錢十萬貫。專祈佛力護持。雜多謝郡主佈施。合願
捨金錢。博得箇兒夫回轉。

雜下小旦十郎夫。想你此時在朔方呵。

尾聲。燕支山下也。與我一樣的望連天。只不知何日
塞。漉。豸。便。浣。紗。待。要。保。護。十。郎。平。安。有。何。仙。宮。道。院。
去。燒。些。香。也。好。貼。杜。秋。娘。在。西。王。母。觀。四。月。十。五。日。

王母娘娘生日。好去燒香排遣。小旦臨期請老夫人
去。貼。理。會。得。合。還。須。心。字。香。燒。一。灶。烟。

春空游鳥半藏雲。春盡香闌懶繡紋。

誤使春風調笑妾。不勝春瘦爲思君。

第二十六齣 夷証

淨黑臉鬚鬚盛甲引眾上

一枝花香旂白蘭路。檉柳邏沙渡。槍槩大幟也。三門
豎虎帶鷹冠。甲士連巫祝。寶楮護高臺鼓。俺帽結朝霞
袍穿鐵褐。劔熒金縷。

天驕雲幕動金微。沙磧年年臥鉄衣。白草城中春

不入黃花戍上雁長悲、俺贊普國土、東連雋戾涼、
松西陷龜茲、疎勒南至婆羅、北底突厥、地方七千
里、人馬數十萬、土多金寶、戶有詩書、擁絕河西、併
吞回紇、如今避夏、臧河壯心不快、不免掃帳南侵、
灑落一番、俺國有中書令尚綺、心智計可資、請來
與他商量一回、小生三髯盛甲上

粉蝶兒、捻碗瓊盤、共醉醪蹄酥酪

胡馬新裁綠玉鞍、戰罷沙場、月色寒、城頭鐵鼓聲
尤振、匣裏金刀、血未乾、自家吐番中書令尚綺、心
是也、贊普有名、不免進見、見介淨、涉夏以來、牙帳

高懸、不曾向中原取得片地、可恨回紇、小虜倚着
唐朝舊親、不來降服、俺意欲捲帳南侵、分旗北指、
于中書意下如何、小生春間、臣叔父尚子毘克朝
正侍子、從中國還時、說中國民和歲樂、主聖臣忠、
朔方軍務、是相國杜黃裳鎮守、此人首贊中興、練
習時變、參軍是新翰林狀元李益、此人軍鈴羽檄、
才思如飛、要害連營、東西策應、俺國侵之、恐難得
志、隴西地方、舊入俺國、近來打聽得唐朝用個武
狀元石雄、字子英、節制隴西、經畧機務、此人翹關
曲踴、曉暢兵機、隴西部落、多有固志、看來兩處局

勢此時都在難圖。今回紇地方被俺國佔，十失其七。唐朝雖有救援，尚在觀望。俺國之計，不如羸師匿馬，徙帳西行。唐朝聞之，只說俺國無南侵之志，定是收回朔方隴西，待秋深之後，方可議兵。**淨**似你叔父尚子毗所說，唐朝一發攻取不得了。俺想子毗在中國三年，必知中國情事。俺如今就要拜他爲元帥，去攻打唐朝。于中書心下何如？**小生**臣叔涉覽天文，厭絕人事。自唐朝使還歸去，羊同築室崑崙山下，不婚不宦，無意于時。贊普要用他時，須待秋深，俺親過羊同去聘他出山便了。

紅繡鞋想爰劔豪傑秦華烏孤占
斷羗姑烏孤占斷羗姑開袍罕戰允衙通跋布走瓜
沙還起用贊心牙

淨中書俺前點五千人馬，遣大將論恐熱圍陷松州，不知勝負。若何，俺甚不放心。**小生**仗大王威靈，論將軍勇猛，自必全勝。

前腔合俺贊普氣擁山河，俺贊普氣擁山河。將軍勇利干戈，將軍勇利干戈。飛金箭走零波，齊播鼓响吹螺。驅漢婢打羗歌。

第二十七齣 心香

貼同丑扮女冠上

臨江僊黃藕珠衣禮碧雲零花瘦玉結綽霞裙神僊
粧束佩瓊文善兒你不見繡旛搖曳翠鼎氤氳

女冠子貼星冠霞帔住在蕊珠宮裏丑寒玉銷金

翠纖珪減昔粧貼落花輕點屐修竹細焚香丑青

鳥傳心事憶劉郎貼妾身杜秋娘建康人氏入侍

先皇詔賜霍王殿下歌舞二十餘年却為人日吾

王聽曲感傷散去諸姬游仙華嶺吩咐妾身入西

王母親作女道士正是宮人入道舊制應遵又教

言娥善兒侍從聊供洒掃先有宮姬同伴鄭六娘

雅善法曲宮中號稱鄭中丞也與妾身同賜霍府

他為有女兒小玉未嫁勅賜紅樓招贅別來一向

無耗不知安否若何今四月十五日是西王母娘

娘誕辰五鼓朝參已畢善兒你且到王母殿前侍

候可有燒香女郎到來便引他客堂坐茶者丑曉

得老旦小旦貼唱上

一江風翠亭亭別是清虛境淄淄雪花映兒你看半

空中樓閣丹青襯着斜陽影珠箔有人迎又爐烟撲

鼻噴呀原來是善姐丑出迎驚喜介原來是六娘和

郡主郡主怎的上頭了老旦已招贅隴西李十郎新

中狀元官拜翰林朔方叅軍去了今特來燒香祈保
問候秋娘丑原來這等了恁相逢喜極翻悲耿

丑六娘郡主請坐待俺報與秋娘報介娘鄭六娘
郡主到來貼內應介他自不出門怎的到此見悲

哭相思燕燕差池不定可。伶。還。見。卿。卿。

姐妹相隨二十年別來消息兩茫然王孫一去春
零落此際定應誰可伶六娘和郡主到此想也到
王母殿上燒些香麼老旦你還不曉俺小玉已招
了新科狀元李益官拜翰林見今朔方叅軍去了

老身伴着小玉來仙院燒香祈保并問候秋娘哩
貼這等可喜門楣得人請六娘郡主拈香待妾
身祝贊老旦小旦拈香貼祝介霍王府侍姬鄭六
娘同女小玉拜祝西王母娘娘殿下小玉爲丈夫
李益新中狀元叅軍朔方敬蒸心香伏祈仙力保
護李益往返平安高遷河海之勳平步星辰之履
六娘郡主自家再伸片詞老旦小旦拜介

亭前柳兒婿本書生釋褐便登程托身鋒刃朔方記

室紅營合還仗王母威靈看游子功成歌舞入瑤京

貼拜祝完了請到茶堂清敘六娘令婿是那裏人

老旦隴西人氏。就是人日做宜春令的李益。貼果
然名下無虛。是誰爲媒。老旦鮑四娘。貼原來就是
四娘。他近日安否。老旦十分憔悴了。貼俺和你三
人上下年紀。如今都憔悴了。正好郡主們及此青
年。討些快活。六娘休說俺臉兒不似往時。連手也
不似了。老旦怎的來。貼久不搗彈。前日偶按仙宮
一曲。指尖銀甲弦索。三件都不相管着了。老旦秋
娘。你往日間妙手。輒輕前輩。蛾眉不讓他人。二十
年前情景。還堪追憶否。貼六娘。俺少不曉事。長有
嬌妒之心。誰料一聲河滿。雙淚君前。今昔相看。真

成一夢。六娘俺把明威法籙。受過幾度。便向華山
去訪老殿下了。老旦丟時約俺同去。貼俺道院中
没人來往。你住紅樓。想霍嗣王處。張有老殿下音
信。老旦府裏長着人去問候。他那裏全然不寄一
耗。真是無復人間之想矣。貼既如此。妾身將善兒
留守王母觀中。急切就往華山雲游訪道去了。倘
得再遇老殿。下一面。便雲水爲家。逍遙世外。從此
也罷想人間了。

好姐姐半世迷魂。乍醒西王母早鑒澄清。青鸞隱隱
指示華山程。凡心淨。黃冠鶴珙多風韻。宿露餐風自

收拾情
娘極情

在行

老旦秋娘小女得配才郎眼前雖增快婿然每念
老殿下向日教養恩情以及人目聽曲遊仙恁然
長往昔書久斷妾在月下星前不覺歔歔欲絕敢
煩秋娘轉達我依戀之專深感雲情無既

前腔舊主恩深無盡向盟心擬訂三生那知道人日
歡歌反一曲動離情小旦秋娘我父王撫養恩深無
由答報臨行之際又賜紅樓寶玉聽擇佳婿愛護至
此教奴一刻難忘併求秋娘告稟父王說長悲哽晨
昏那得時溫清夢寐相依有涕零

貼六娘郡主請自寬心妾身此去若果訪得老殿
下踪跡自當一一轉陳悃曲老旦小旦秋娘何日
遠行貼出家人何須訛言明日便行老旦小旦天
晚了月色將上就此告辭貼道院清茶話別更無
餘物將敬慢過郡主了老旦小旦多謝秋娘不知
何時再會也老旦小旦別介

尾聲合人生聚散常難定看碧玉拋殘笑語聲老旦
今日之會纔見得我二十年來姊妹情各下

第二十八齣 邊愁

衆邊將上

北點絳唇。紫塞飛霜。平沙月上。旌旗晃。劍戟排。壻擁。定銅符。帳。

一聲參佐發。皇州萬火屯。雲映綠油。邊鋪恐。巡旗盡換。山城欲過。館重修。咱們是朔方節度使。麾下因李參軍分兵駐扎。回樂峰前受降。城外斷截吐番西路。今夜巡塞各城堡。守瞭軍人嚴緊伺候。內應介。衆鼓吹燈籠擁。小生大紅斗篷毡笠上。

金瓏璫。萬里逐龍荒。擁弓刀千騎成行。刁斗韻悠揚。畫角聲悲壯。錦盤花袍袖生涼。纔起點報星霜。邊霜昨夜墮。關榆吹角當城片月孤。無限塞鴻飛。

不度秋風吹入小單于。下官本以文墨起家。翻用弓刀出塞。既有三軍之事。豈無一夕之勞。吩咐將官軍士用心巡守。衆應介。小生將帳門捲上一望。塞外風烟。場上設藍布城城門上寫受降城。三大字。城堞上各插三角小旗。一首旗竿上各掛朔方參軍府號燈一盞。

一江風碧。油幢捲上牙門帳。小生出營門登城。衆隨上介。我且步屣巖城上。擁旌旄閃爍。麾揚恰映紗籠絳。遠望火光。敢是玉門關外大小河西夜獵也。衆非關獵火光。非關獵火光。漾清輝。夜未央。映行間天宇。

空明相

衆稟參軍爺這就是回樂峰了

前腔小生那邊廂淡素鋪平敞堆積的邊寒狀敢是
下雪也衆爺是沙也是氤氳幾塚堆沙似雪紛彌望
看糝糊了古戰場模糊了古戰場剪西風更遠颯影
空濛一派淒涼况

稟參軍爺這裏是受降城了

前腔小生冷清光氣色霏微漾暈影兒燈前光敢是
霜也衆命是月亮小生步寒宮認得分明不道昏黃
相衣痕上辨曉霜衣痕上辨曉霜衆是嫦娥在女牆

照愁人白髮三千丈

俺就在此坐一回去也

前腔據胡牀沙月浮清况內吹笛小生聽介猛聽得
音嘹亮這是什麼聲音聒的人好不耐煩也衆這吹
的是蘆管吹的是關山月是思歸引也衆回頭望鄉
掩淚小生登高處指望拭淚介衆被關山蘆管驚吹

泣涕衆瞻望家山在那方家山在那方小生只是極
目家鄉不堪回首天涯枉斷腸憶深闌萬疊雲山障
淨上龍吟塞笛空橫淚雁足吳箋好奇書稟參軍
爺小的是京師走報的王哨兒採取朔方軍情回

京不知參軍爺可有平安書寄否。小生正好相煩書不盡意。暫將屏風數摺對此清光。畫出邊愁夜景。見咱淒涼也。秋鴻取畫筆丹青聽用。丑上王會圖中開粉本。陽關曲裏寄丹青。紙屏蛾眉在此生。三仙橋生畫介。西望陽關落照儘寒烟。和衰草河流一線。那更烽烟裊聽落雁聲。平沙叫放眼明。只見幾點漢旌搖。恁提起這練生綉。拭淚介。拂拭咱的情淚。落還倚着那路數分斜。隨素毫則待要展風沙。蘸的箇墨花淡了。屏風呵你。一遞遞短長城送到了那裡。可破得那人兒的煩惱。

待畫這沙似雪。打如霜也。

前腔却怎生似雪。恁似沙迴杳。一抹兒漫漫出樂。則道是拂不去的邊。斷嚴霜那知道。徹夜淒清關山月。長恁照也。那更影飄飄兀自裡把邊城籠罩。遙望處極目暗覓消寒空。在寂寥。捏筆画介。看這幾筆兒輕勾淡掃。撇綽的暮色浮掩映的朦朧似曉。喚你看那畫屏風塞外圖成。可引的夢沙場閨中人到。待畫着征人聞笛管望鄉也。

前腔聽一曲胡笳聲高偏趁着月明風峭。把一夜征人故鄉心暗叫恨。雲山杳倚危城齊揮淚濕了。

征袍捏筆想介這。愁怎樣摹描俺仔細聽他聲音。
 好不悵淡也好。似五更號野宿荒雞。攪人心夢。
 魂顛倒聽杳杳韻偏遙。直蕩漾心魂去了也。俺聽他
 蘆管中吹出關山月。思歸引竟像俺玉笛中吹徹梅
 花一般兒酸楚也。比似俺玉笛裏吹殘。怎遞與綺樓
 中知道。

畫已寫完可題詩一絕。吟介。四樂峰前沙似雪。受
 降城外月如霜。不知何處吹蘆管。一夜征人盡望
 鄉。詩已題下。王哨兒星帶去罷。淨自有回報。淨下
 尾聲。做不得李將軍。畫出漢宮春曉。俺這裏捲不去

你着那秋波清翠了。趁着這一天鴻雁秋光好。

第二十九齣

屏

小旦引貼上

望遠行。綠鬢寶釵猶掛倚。秋窗幾朶閑花。一杯春酒
 王孫路。三載啼痕酒婦家。湘簾風度影些些。

河滿子。露冷蓮房墜粉。霜清竹院餘香。偏照畫堂
 秋思朗。垂簾半捲。瀟湘幾回斷鴻影裏。無言立盡
 斜陽。奴家自別十郎。三秋杳無一信。正是南菊正
 開人未至。北書不寄。雁無情也。貼。早晚佳音不須
 煩惱。

桂枝香。小旦。水雲天淡。弄妝晴晚。映清虛倚定屏山。暢好處被閑愁占斷。減香溫一半。減香溫一半。燈前淚。夢迴長嘆。影闌珊。幾般兒。夜色無人玩着。甚秋光不柰看。

貼上鳳簫樓望一回。多少是好。小旦登樓介。

前腔。小旦。捲簾無限。山明水遠。殘霞外烟抹晴川。淡。霜容月橫清漢。正關山一點。正關山一點。遙望處。平沙落雁。倚危闌。淚來濕臉。還誰見。愁至知心在那邊。

丑持小屏風上。

賺塞上飛馳報與

人自喜。小旦。薄暮晚粧慵。恰

正是重門深閉。丑介。小旦聽小恣閑絮。且把珠簾

輕揭起。貼。寂靜堂前。數聲兒客至。回廊半倚頻偷覷。

貼問介。丑叩頭介。小的叫做王哨兒。朔方小哨東君

使。小旦驚喜介。你可曾從事李參軍。俺這裏寒衣未

寄。丑出屏介。參軍爺呵。欲寫相思腸。幾摺筆尖點染。

傳詩意。小旦。這屏風幾夜霜華脆。雁足星馳帶月飛。

哨兒。黃花酌酒相勞你。貼出酒飲。丑介。丑夫人。小軍

公事難遲滯。貼。夫人。鄭市留人醉。小旦。且問你參軍

爺。甚時可回。丑。小人在朔方探聽軍情。聞得參軍爺

感激杜相國恩。遇題詩一首。內有一句說不上望京

樓了。小旦惱介丑不須煩惱俺歸到中途聞聖旨說
早晚遷除疾何遲。少不得榮歸故里。叩頭介小人呵
皆前拜酒忙辭去。丑下小旦嘆介哎十郎夫你
三年一字三千里。全憑雙鯉全憑雙鯉。
金索掛梧桐寒鴉帶晚暉喜鵲傳新霽遠水凝眸折
盡層波翠。開屏風介夫你三年沒紙書我一日思君
十二時。這屏風爲見封了重封。出落的星妝次十郎
夫你感杜君恩。遇不上望京樓呵你只知紅妝夜宴
軍中美可也。回首望京樓上覷風塵起。千尋落葉離
不的花根底。合知他是何日歸期。且接着平安喜。

且展畫屏詩句一玩呀。原來十郎手自丹青也。咏
詩介回樂峰前沙似雪。受降城外月如霜。不知何
處吹蘆管。一夜征人盡望鄉。你看幾疊屏山詩中
有畫畫山。有詩滿目邊愁。真堪淚落也。

前腔沙如雪。靄微月似霜華積。月杳沙虛冷淡傳蹤
跡。俺不會到萬里短長城。且把這畫屏披。看他寫陽
關。只少個瀟湘對。夫俺這裏平沙瀚海。把圍屏指你
那裏落月關山橫。笛吹心兒記。夢魂中有路透些兒。

合前

貼郡王李郎三年不歸。家門漸次零落矣。小旦道。

甚家貧可惜秋光去了也

梧桐花你道為甚呵。勾引得黃昏淚。向蓮葉寒塘秋
照裏。偷把胭脂勻注。喜這其間。芳心立露。許誰知。俺
待寫半幅秋光。還寄與合。只不知何日能旋故里。
意不盡連天衰草。砧聲起。貼他還鄉早晚。不索寄寒
衣。合盼得他。投筆風馳書錦歸。

邊月胡沙泣向君

畫屏紅粉漬氤氳

今朝和淚濡毫寄

不啻蘇娘織錦文

第三十齣

華遇

淨黑盔甲黑髯副銀盔甲白髯各侍鞭簡上倒柏

一折三十
二折一
表涉張情
街井伏雀
王末歸之
張一見表
石子英井
論兵事

身輕疊嶂間。是非無意到人寰。冠裳暫備論人世。
一餉雲游碧落間。吾等奉霍王法旨。道有杜秋娘
到山皈依。特命我二人化作猿虎阻道。仍引其上
山朝見道猶未了。遠遠望見一個道姑來也。正是
雲外仙歌笙管合。花間風引步虛聲。淨副下正旦
上

浪淘沙踟躕更盤旋。為未了情緣。走天涯蹤跡遍山
川。見虎驚介呀。厮撞着業畜兒張牙怎了也。叫我進
步難前。虎嘯上山介。正旦。咳。一陣旋風。那虎早上山
去也。風過處。一霎便回還。行介。

前腔依舊撥雲烟。踏上岩顛。白猿跳上正旦驚介呀。
怎半空中又掉下這獼猴。跳舞婆婆。是何意也。咦。看
他絕壁攀援。敢是指引我昇天下。

外三髯玉芙蓉冠九光衣執拂引青衣道童扮侍
者上

北新水令華嶺凌霄霄漢間。俯塵世淡烟九點旌旄。
開輦路鸞鶴下瑤天。淨副啟上吾王杜秋娘已引其
到山聽候法旨。外既已到山着他上來。淨副領法旨。
外憑着俺道力無邊。道力無邊。指迷津了却他皈依。
願見介正旦千歲。

北駐馬聽戴德如天。此生未獲效。啣環流光一線人。
日子今又幾年。外你在觀中一向作何勾當。正旦妾
近日呵冷淒淒。步步斗風前。鶴淚寒悄冥冥吹笙月上。
猿啼怨都秦。遍撒塵寰。稽首這清虛院。外
北雁兒落俺這裏春風如斷鳶。那怕你塵世頻添線。
你擡頭覷者。這底是烟霞洞府天。怎管伊淚界嬌啼
面。

正旦自千歲那年人日出門雲游以來。妾同善兒
在西王母觀中早晚虔修。每在月下星前求保千
歲車駕早回。就是鄭六娘同小玉郡主母女笑笑。

如今雖已招贅隴西狀元李益為婿，究竟他母女二人與妾一般，心心念念時刻指望千歲回鸞，他母女不能親來叩見，臨行托妾稟達依戀之忱，千歲呵。

北得勝令 呀從別後心兒裏只是意懸懸，憶當初眼兒裏只是淚漣漣。郡主雖配才郎，那知才郎又奉命朔方參軍去了。每與妾輩說起千歲人日遊仙一事，便淚下如雨，漫說道：慈烏思反哺，就是鄭六娘悶坐紅樓與妾輩說及二十年前蒙恩教養，歌舞當筵無不潛潛泣下，須知道缺月想重圓，至若妾身奉命同善。

兒厮守王母觀中情景，更不堪稟訴。淹煎香銷粉冷，琳宮殿纏綿夢斷，魂飛華嶽巔。

外宮人入道自古為然，汝休聒絮，只願汝等一靈不昧，自有相見之期。正旦雲路茫茫，何能再覩慈顏。外孤當年人日出門，原囑爾等待孤有白鶴之歸，汝當響青鸞之唱，明年人日當有良會，何須悲苦。

北沽美酒 你那裏珠淚愛河填，俺這裏傾作荷珠濺。搖手介再休想紅蓮藕斷尚絲聯，汝今可有些醒悟，不可記得那年人日萬錦園中登高時，汝同鄭六娘。

在麗春臺歌舞的光景麼。正旦記得外孤今在洞天
福地繡嶺琳宮松柏長春烟霞滿目洞府中仙音嘹
唳鶴蹩踟躕不比人間歌舞難爲汝一點虔心今日
纔得再見孤今令仙女們試舞一回仔細覷着你試
看那鶴翎剪剪怎比他塵世上舞氍毹不耐看。

內細十番雜扮四仙女各花冠黑翎毛過肩白翎
毛羽衣翠帶大紅舞裙上各手執五色靈芝芝柄
下縛五色綉帕繞場對舞下外仙女們各自引退
侍者指示他下山去罷外侍者引正旦行介

北清江引正旦躋攀直上蓬萊院再覷吾王面語語

命回頭人天許重見不枉了我鐵芒鞋都踏遍下

第三十一齣

陷松

丑引衆戰上

四邊靜銜枚疾走松潘地乘虛出不意教他有翅也
難飛無門可逃避。丑把都兒俺們精兵五千出其不
意突然衝劫那花老兒一定輸敗務要生擒其餘兵
將一槩殺取以壯軍威者雜得令。丑他那裏直如螳
臂與我盡皆殺取災禍及池魚都來做刀下鬼。

丑下生領兵上

水底魚兒賊犯城闔賊犯城闔如魚就釜烹教他來

時有路歸去定無門歸去定無門

生眾下丑引眾喊殺上

前腔鐵騎長驅鐵騎長驅獅蠻繡帶齊鞭稍指處把
松州陷作泥把松州陷作泥丑把都兒快些殺上前
去眾應下介生引眾殺上教他來時有路歸去定無
門歸去定無門戰三合生敗走介丑引眾向內放鎗

介丑把都兒花老果然敗走俺門星夜追趕擒獲他
就是小炮鎗閃處把松州陷作泥眾並下

第三十二齣

闖營

向鳴鑼喊聲生執鞭帶鎗急奔上

粉孩兒忙忙的出松潘迅馳騁望前途急奔冀全軀
命漠漠沙塵天欲冥觸愁人幾處笳鳴內又鳴鑼喊
聲生忙介生怎了怎了聽追呼人馬喧騰逃生路敢
辭奔競

生下丑領眾追殺上

紅芍藥合鞞鼓振疾速前征金鏡沸早晚相迎一任
他強梁如猛獍我這裏不饒伊命刀鎗劍戟更排增
怎容他漫圖僥倖內馬嘶聲眾聽介聽蕭蕭匹馬嘶
鳴指顧間教他血淋首領

眾下生奔上

福馬郎俺仔見閃爍旌旗是處颺。繞鼓聲聲勁。內又
鳴鑼喊聲生急介。唉。老天。念花敬定。向天供介。
仰望天周庇。脫網罟。內又吹海螺喊聲生驚介。呀。聽
喊殺聲尤近。你聽追趕益近。如何逃避。只好全仗此
紫玉驄。救我性命了。急鞭馬介。唉。紫玉驄。紫玉驄。我
此時也別無生路。只得仗追風。救殘生。下。

衆追上

耍孩兒。羸馬孤身思驀嶺。那識追兵至。突忽地。怎得
逃生。衆向內打鎗介。張火弩。魃魃的穿山徑。早叫他
狹路相凌迸。橫白刃。寒渠頸。

衆下。內馬嘶聲生。又奔上。

會陽河淡。月濛濛。漏下初更。內起更發。插吹畫角。羊
腸徑窄。又心驚。全憑着千里名驥。早夜飛騰。離陷穽。
真。後倖。紫玉驄。紫玉驄。我花敬定。若非仗你晝夜奔
馳。那能脫離虎奔。逃此殘生。可見當年俺將鮑姬換
你。真是遠謀。想當初。虧殺我。贈紅裙。到今朝。虧殺你。
護。鮑生。內打二更。雜淨丑扮更夫。四人擊柝。鳴鑼。上。
生。查子。孤月照邊城。擊柝嚴軍令。霜重鐵衣寒。西風
偏。又緊。

淨。吾們是隴西帥府軍門前支更的。帥爺軍令嚴

緊不時巡察恐有奸細只得同衆兄弟提鈴擊柝
噲兄弟夜深霜重冷得緊那裏躲一躲纔好丑哈
大老爺何等吩咐稍有差遲你這顆頭不要留的
麼譚介

前腔畫角雜笳鳴刁斗鈴聲應征人淚滿衣夢回思
冥冥

衆鳴鑼下場上設營門兩傍各設角門上掛隴西
帥府營門號燈四盞雜扮守將四人各盔甲帶刀
四卒滿洲甲各帶弓箭鳥鎗站立生上

縷縷金呀元來是細柳營內打三更聽戍樓鳴鼓角

已三更咄營門直宿守將何在雜咄這是什麼所在
你敢大膽闖叫營門生我乃西川節度使驃騎將軍
花與你元帥有舊特來求見雜此時漏已三鼓即使
你是西川節度與俺帥爺有交也不該此時求見在
營門外喧嘩了生你不曉得我鎮守松潘被番將論
恐熱追殺寡不敵衆爲此一人一騎晝夜星馳赶到
特求你帥爺發兵救援刻不可緩所以夤夜求見的
雜好笑得緊你被番將殺敗與俺帥爺何涉況且你
守松潘俺帥爺鎮守隴西各保其地俺帥爺那肯來
球你這老頭子生既不肯傳俺自擊鼓而進生擊鼓

衆以喝介只得忙擊鼓希通呼應雜縛生介生你們何必如此你帥爺曉得我在此那營門鎖鑰定開扇半餉迎門請

內發柳傳點以喝打升堂鼓末便服上銀甲氣輝霜露濕寶刀光射斗牛寒雜由角門進見末何人擊鼓鄉進來雜稟帥爺是西川節度使驃騎將軍花他說與帥爺有舊因與番將戰敗求帥爺發兵援只有一人一騎夤夜到此方才小將再三盤詰不肯與他通報他情極了所以擊鼓的小將們登時把他鄉下請帥爺鈞旨定奪末取我冠帶吩

咐大開營門請花爺相見雜應介內鼓吹末出營門迎接生進見拜介生十年分散劍闌秋萬事皆從錦水流末今日逢君倍惆悵灌嬰韓信盡封侯各送坐介末遠荷光臨將弁不知其細罪多多望兄原諒生奉命鎮守松潘番將論恐熱挾五千精兵忽然衝突攻擊弟營中所有就是吃糧的這三千羸弱兵如何抵敵得他過弟只得拚命奪圍而出追兵一路趕來幸有當年郭小侯所贈紫玉驄乘騎晝夜兼程望救于兄適纔相懇守營將官通報軍威整肅不敢據稟弟勢迫情窮只得竟自

擊鼓有于軍法。伏求恕宥。末兄說那裏話。生子英
兄。那番將論恐熱。追兵趕來。弟只一人一騎。想斷
然不能保全的了。末何至于此。生子英兄。你不曉
得。

越恁好。那番將論恐熱。呵。早夜廝趕。早夜廝趕。弟這
裏馬足不暫停。全虧那渥注奔逸。幸得離虎口。脫餘
生。今求兄救援。發兵征勦。弟固戴德不淺。國家被陷
之松潘。得以恢復。所全實多。雄兵駿發。急前征。管教
得勝。未既如此。自當遵教。尅期進勦。便了。中軍傳吾
號令。吩咐五營四哨將。并明日五鼓造飯。掛甲黎明。

聽點星。赴松潘。征滅吐番者。花兄。我這裏不時訓練
烽烟靜。那怕他無知蠢動。把戈矛逞。

敬定兄。後營小宴。爲君壓驚。生不敢。末敬定兄。

尾聲我金蘭誼。重應如命。明日裏呵。大振三軍。誰與
競管。取颺颺遊魂。早遁形。俱下。

第三十三齣 得信

正旦上

上林春回首。雲程更苦悲。尚兀自意懸心悸。

已到王府門首。門上有人麼。雜上。獨殘新碧樹。猶
擁舊朱門。是那個。正旦。煩報去。說有王母觀觀主。

求見夫人和郡主雜應向內叫介浣紗姐稟上夫人
郡主外面有王母觀觀主求見內夫人吩咐快
請老小旦全上

前腔鳩鵲噪簷人遠回。想定有好音傳示。

旦進見拜介空門無處復無闕。世上浮名好是閑。
老小旦借問路旁名利客。春來江上幾人還。各坐
介老秋娘幾時回來的。但是前日回來的。老路上
平安否。旦不要說起。

降黃龍華嶽天西。跋涉艱難。雲程迢遞。人來問我到
那裏去的。我便說爲岩阿訪道。採藥山中。偶過前溪。

依稀見落花吹起。逐東風片片斜飛。意悠悠。凝睛勝
望暫爾徘徊。

老小旦以後便怎麼。旦只見小橋流水。細艸叢花。
上有寒泉瀑布。下有溪澗一道。

前腔須知一道澗。洞千仞飛泉。那時無筏可渡。我只
得蹇裳脫履。溪干驀渡。見翠羽鳴禽。上下高低。踟躕
更蘭芽蕙芷。臥芊綿白鹿。啣芝我見此景况。望前征
進盼層巒雲齊峻嶺。兀自棲遲。

老小旦秋娘後來又見些什麼。旦此後山高徑窄。
一線天光。但見古木蒼烟。杳無人跡矣。

袁一攀援路轉危。攀援路轉危。踉蹌斜暉裏。走到一處。忽然峭壁繞岩如琢削的一般。下有懸崖石洞深遠莫測。見斧削嵯峨。幽壑藏山鬼。那石洞中忽然一陣旋風。跳出一個白額黑虎來。長嘯一聲。林木震動。舞爪張牙。似有撲傷之意。可恨白額張牙。涎圖吞噬。那時魂飛魄散。自揣必不能生全的了。命須臾怎禁得。眈眈視。

老小旦這一番驚嚇。自然了不得了。只後來如何得脫虎口。且那知這黑虎將近身來。忽然回頭一嘯。竟自上山去了。老小旦這也可爲萬全之幸了。

且遇虎之後。心胆俱寒。焉能掙扎上山。

袁二心驚步怎移。心驚步怎移。忽然山頂上。又跳下一個白猿來。一笑還相戲。看他顧復回旋。指引非無意。好一似哀我途窮。潸然泣涕。感其情。翻身縱上崇巔。

小旦秋娘兩番驚恐。真是吉人天相。只不知後來到底得見吾王踪跡否。且我自見白猿指引。便跟他一路躋攀上去。但見宮殿巍巍。吾王端坐其中。

袁三凌霄洞府棲。凌霄洞府棲。我便疾倒瑤塔地。涕仰皈依。看他道貌童顏比。吾王提起那年人。日登高。

我和你在麗春臺上歌舞之事，即命仙童引仙女四人，都是素衣紅裳，試舞與我看。又說我洞中歌舞，不比人間只見翱翔鸞鳳，從天飛墜，袖輕颺，翻鶴羽雲霞麗。

老小旦：既見吾王，可曾將我母女依戀之忱一一表奏否？且怎不表奏。

袞四：依依代訴知，依依代訴知。委曲通情旨，吾王吩咐說：只要汝等一靈不昧，明年人日當有良會。良會佳期，人日明春是。只此數語，使命侍者引我下山，下得山來，見一片斜陽烟霞散綺，宿荒村投蓬戶，欲獻

淚

老小旦：秋娘難得你一片虔心，畢竟根尋上山，得以親見吾王之面，似我母女有志未逮，益增慚愧。耳只是吾王面諭，明年人日當有良會，不知果否。應驗思之，更覺淒涼也。紅樓便齋，再請寬坐細談。且使得老小旦。

尾聲：小閣憑几，訴別離焚香，啜茗當啣杯。今晚留宿小樓，明早回觀未遲。我和你臨風剪燭也，算做聯床雨。

旦：領命。人生一世長如夢，老旦：萬事回頭早拂衣。

第三十四齣

內台

外引堂候官上

寶鼎兒明堂占氣色太甲雲高旄頭宿落匣劍老
轆轤繡澁邊烽冷枯樺苔臥幸好清時留節鎮永日
簞醪扇暘合正綠瀉蒲桃清啣頓遜翠浮桑落

蒲桃清酒白波浮雪嶺冰寒五月秋盡日滿城絃
管沸行人不信在邊頭老夫杜黃裳出將入相鎮
守朔方喜天威鎮壓遠夷奔竄昨日與叅軍李君
虞出塞千里不見虜而還正值陰山入夏冰雪未
逢遠巡遊暑之期留連河朔之飲已吩咐軍中沉

李浮瓜與叅軍提壺歡暢一會想叅軍已到堂候
官門外伺候小生上

天下樂筆掃狼烟河朔區可能眉畫遠山無三生別
恨調琴語一片年光攬鏡噓

堂候官稟介李老爺已到外起迎相見介小生且
夕附青雲外君才自不羣小生甲兵今已偃外絃
管日紛紛小生轅門書靜方得展鬪兵鈴不知相
國有何見名外昨見軍情來報河西大小二國見
羽檄飛詔責其貢獻不至兩相惴懼畏威懷德今
大河西國仍照舊例貢西涼葡萄酒在酒泉郡小

河西國亦遵前制獻五色鎮心瓜于瓜州老夫悉
依成規賜宴犒賞兩國俱歡欣踴躍感恩而去若
非參軍揮草檄文先寒其胆焉肯誠服而來此李
白赫蠻之計王粲登樓之才也老夫不勝敬服但
念老夫憑籍皇靈兼資羣力斥地千里推轂幾年
常有夜行之悲未遂晝游之樂徘徊杜曲留滯河
源想朝家詔召無期與學士周旋有日對此薰絃
聊開凍飲小生老相國西鎮雄高乍掌北門之鑰
南征借重還開東閣之筵晚生婉婉幕中慚無石
畫悠悠塞上曲有銅鞮叨陪樽俎之歡敬佇衰衣

蚤破打丁冬。丁打冬。黑山戎。呀一箇丁冬。呀一箇
丁冬。可憐極目無疆地。呀一箇丁冬。呀一箇丁冬。
月照平沙。丁打冬。丁打冬。萬里空。呀一箇丁冬。呀
一箇丁冬。

十二闌干倚碧霄。呀一箇蹊蹺。呀一箇蹊蹺。九天
鈞樂打蹊蹺。蹊打蹺。奏雲韶。呀一箇蹊蹺。呀一箇
蹊蹺。掌中舞罷簫聲絕。呀一箇蹊蹺。呀一箇蹊蹺。
無限春風蹊打蹺。打蹊蹺。屬聖朝。呀一箇蹊蹺。呀
一箇蹊蹺。

小生響徹雲霄。歌傳薤露。不覺令人耳聆心醉。意

蕩神怡晚生感老相國知愛之深禮遇之隆口占
一絕以誌不忘吟介日日醉涼州笙歌卒未休感
恩知有地不上望京樓外忒過譽了老夫也口占
一絕奉酬珠玉吟介六月征袍罷戍初涼州新調
徹穹廬秋風別哨關南路羽檄遄飛晉秘書小生
承教了只末二句不敢當耳衆合唱
前腔息馬金河夏屋深濃散玉珂幸好合歡鸞扇蘸
帛龍涎淥水雲和舞樓人去落花過歌檠燕蹴香泥
墮朱板蹉跎倚紅蓮幕府從軍差樂

雜報介稟帥爺有勅使到駙官上關月夜連秦塞

紫羌河流入漢家清雜稟老爺勅使到外香案迎
接外生俯伏雜宣詔介聖旨已到跪聽宣讀皇帝
詔曰朕纂屬玉策竚想金提眷章武之舊臣念宏
文之學士咨爾丞相邠國公杜黃裳氣宇天人風
謀雲將朕已宗師黃石臣妾烏珠西顧元勳久勞
于外將從憲乞用遣寧安叅軍李益同歸玉堂侍
掌綸筆朔方一切邊情轉交左將軍郝玘右將軍
閻朝協力經理詔到星馳慰朕虛側望闕謝恩外
誓請勅使大人皇華駟安頓老夫吩咐片時即便
起行雜辭下身帶霜威辭鳳闕口傳天語到雞林

外堂候官請郝閻二位將軍。雜應下。淨扮郝副扮閻全上。戊久風塵色。勲多意氣豪。但須憑玉劍。何用誓金刀。二將稟見。外二位將軍朔方重地。原當吐番回紇兵衝。先帝西顧。命老夫以相國行邊。令叅軍以翰林清貴。叅理朔方。二虜聞之。聲息重大。不敢窺邊。如今俺二人奉命還朝。虜人聞之。必有輕朔方之心。但郝將軍曾築臨涇之塞。西戎不敢近邊。吐番王鑄一金人。與將軍一般長大。購取將軍。又把將軍名字。怖止兒啼。此李牧之兵也。閻將軍獨守沙州。一城虜合重圍。唐援絕路。十年不下。

仗將軍鎮壓。士無叛志。此臧洪之守也。朝廷委二君留後。足稱干城。老夫今日南還。朔方一帶。全仗二位將軍了。淨副丞相穩心。管取二虜不得過朔方。而南向。外二君舊日豪雄。自可銷除也。對淨介。閻黑麻。你控虜臨涇。疆場牧馬。名怖兒啼。等身金價。對副介。沙州戍英雄。殺十載。鏖圍孤軍。挺架。合龍泉出匣。冲星聊自拔。看萬里封侯。看萬里封侯。百年圖畫。前腔。小生廟筭投壺。軍威振瓦。豹額麟符。飛騰戰伐。吾當去。君駐劄。勅勒歌殘。銅鞮舞罷。合龍泉出匣。冲星聊自拔。看萬里封侯。看萬里封侯。百年圖畫。

外 叅軍俺與你就此同行了。小生老相國請行晚
生執鞭隨後。外 郝闢二位將軍不須遠送了。內 報
介受降城中諸夷長送杜帥爺李叅軍爺。外 吩咐
番落不須遠送。只一心奉事中朝不侵不叛便見
忠誠。衆擁外小生同行介。

尾聲 關山月橫笛清笳歸朝萬里聽鳴沙。看星宿河
邊轉帝車。並下。

第三十五齣

過廬

副上

菊花新

雲氣滿河圖。十二芝城映紫都。悲憤嘯

昆吾望中原。片鴻飛度。

碧闌干。星沉海裏當窻見。雨過河源隔坐看。自家
尚子毗是也。本姓沒盧。名贊心牙。羊同國人。世爲
吐番貴相。先贊普時。曾從父親尚結贊入朝賀問。
唐憲宗皇帝愛俺少年。送游太學。備觀丘索之書。
頗習干旄之舞。同時有隴西李益。字君虞。有徐州
石雄。字子英。杜陵花卿。字敬定。三君氣決青雲。詞
韜白雪。才交一臂。便結同心。客邸逢春。都門送別。
君虞問俺。相見後期。俺曾道來小弟此回。無復驅
馳之想。家居崑崙山中。道書數卷。琴歌幾絃。長揖

東王、乞丹、西母、若時事羈縻、不能自脫、倘或橐鞬
相遇、卽當避舍中原、萬一寶冊遙臨、卽可趨朝上
國、便假風塵之會、重沾馨唾之音、如更不然、亦當
托訪華西、相尋渭北、聞得中原多故、河隴不通、俺
國中論恐熱、據擁強兵、贊普年來昏暴、俺今年過
四十、雖然讀書不仕、能無嘯柱長悲、看咱衰髮已
似秋天、不知李十卽怎的、正是青草當年別、寒花
各地、冷中原、問兄弟、把臂幾人全、

金落索。金經啓綠圖。石室依元圃。憶長安陌上尋春
處。咸陽舊酒徒。野醅酥。暖屋繡簾紅。地爐豪華疊碎。

銀腰鼓。老大敲殘玉唾壺。俺正與李君處。花敬定石
子英。相聚爲樂。唐帝忽催游國子監。彼時正是昌黎
一老儒。喚做韓愈。作四門博士。說中國秀才都傳誦
他文字。俺取他數作觀之。好沒意致。等閒度。螢乾蠹
死。歲歲一床書。向後延秋門外相別。十年來河隴路
斷。松潘圍逼。至今三君音徽斷絕。俺雖山人心馳漢
道。斷金蘭雁帖全無。鶴夢模糊。還記取來時路。

山童上報介。金碧葱蘢王母祠。笑騎龍竹弄參差。
紫沂海上衣沾濕。昨夜偷桃。是小兒。稟師父吐番
贊普。不知那處打圍人馬喧騰。說要到俺山中來。

訪師父。副笑介。想是俺家侄兒中書令尚綺心。沒
來由勾引他來。強俺去做官。豈是飢寒驅我去笑。
他富貴逼人來。只得開門迎取。小生淨番落上。
霜天曉角。金雲紺露。文豹從栖霧。戴勝山中王母鳴。
騶谷口名儒。

相見各揖介。淨作色問介。先生生長羊同。早游龍
漢君臨。不拜出在何經。副笑介。姑射之人若雪。嚴
灘之客爲星。天竺先生老而化佛。月光童子少則
尋仙。何求于人。強名曰道。贊普自牛來意。山人少
無宦情。恨不閉戶踰垣。猶是櫻鱗豎髮。若須朝禮。

何用山人。淨笑謝罪介。適間聊用相試。果然名下
無虛。請爲賓主之交。敬問安危之策。拜科。世上聞
名久。副。山中養病多。淨容顏須好在。副。懶性欲如
何。贊普打圍過草堂。有何下問。淨請端坐聽着說。
俺先人呵。

大聖樂。弄贊王。慷慨雄圖。隸縮王。小小魁梧。獻金鵝。
玉馬迎公主。今贊普。便是古單于。如今唐朝輕相覷。
俺反與回紇成親。俺要捲帳侵唐。俺本是龍支麋谷
魁戎部。怎比做烏紇雞田守。一隅。只是一件攻唐要
路。無過朔方隴西松州三路。松州俺已差論。恐熱人

馬攻圍想有次序。隴西說有石將軍雄勇，攻不過去。朔方有個丞相，有個叅軍鎮守，都取回去。打聽得留。下偏將一個喚作郝玘，一個喚作閻朝。郝玘曾築臨。涇之戎，閻朝曾守沙州之城。俺通與他交手過來。朔方有此二人，也難攻打。俺如今還向隴西征進，掃帳南朝去也。只不知天意若何，懇占雲望氣，勝負何如。

副待子毗外間占望一占望，背介天呵且喜李君

虞已歸朔方，猶自有人只是松州花敬定，不知敵得過論恐熱否。他向隴西難爲石子英了。低唱介

前腔破隴西他草次馳驅，曳落羌渾難抵護。對戎王

言語須回互。回唱介看風氣有羸輪。啟贊普昂畢以

南秦隴之間，常有紫氣團霄。昂畢以北河湟之西，似有烏雲壓帳。且近日日珥居東，星旄墜北。彼中之氣，氤氳如粉沸，發弩揚旌。此中之氣，紛紜似轉蓬，懸衣偃蓋，龍驪布陣。何曾月暈圍參，宛馬纔嘶。止見招搖受李勸，贊普與唐和親有利。出隴西攻戰，恐難得志。只好向鳳池栢海迎公主，便教他求締姻盟，兩國和。淨若不許俺和親，俺便去攻唐朝了。副也未可攻唐。且去圖回紇也。避中原王氣，料理邊隅。

淨承教承教，只是求得同行何如。副子毘不婚不

宦年將半百、出崑崙、顧禪海、茫茫白烟、霏霏黑點、俱是塵中、子毘懶性、狂態與世相違、又少游唐國、好習華風、機務之司、嫌疑當避、不敢奉命、**淨**丈夫相處、何嫌何疑、戰取功完、從君自遂、**副**待臣出外、占一占風角如何、**背介**俺却無求于世了、只是一件、俺看吐番王老氣、運將衰、他命將論恐熱、有不良之心、俺借此圖機出避、未為不可、况風塵之際、萬一得到唐朝、再見李十郎、石大郎、花驍騎、亦未可知、**回介**風角之法、用辰不用日、辰星客星時為主人、今日風來巽方、俺是西方金王之地、日辰庚

戌、天將晚、又是酉時、時辰俱正、庚為義、戌為公正、可以從行、只是不敢受贊普的品級、倘事完之後、容俺自便、**淨**這等可喜、可喜、留中書令綺心、令侄相陪、從容而來、俺便夜獵回去也、**辭別介**少微開北落太白、動西軍、早識函關氣、空為出岫雲、**淨**下小生副弔場小生、贊普厚意、欲叔父受一大相、或一方節度使、叔父既許同行、安得辭免、且吾家世仕吐番、吐番正強盛、便可收拾強起、

一撮棹、唐髡種、從古逞邊輿、大小論、外覓零逋、金瑟瑟、高官綴臂銀塗甲、門繪虎懦種、垂狐廬帳、煩都護、

鄴州須節度管取呵席捲漢皇圖。

副賢姪談何容易只是與唐和親便可壓鎮諸番
既然許了贊普不免就行了。**小生**贊普留得車馬
在此。**副**俺草廬中只有道書數卷素琴一張道童
便可捲入行橐何須車馬迎候只是一件可惜一
座崑崙山五城十二樓除是夢中可游再不堪回
首了至于中國華山或有間時可到耳。**小生**叔父
誤矣功成歸隱依舊見崑崙山那華山在唐朝國
都如何可到。**副**姪兒你那裏知道既與唐和親萬
一奉命而入中國未可知也丈夫一入仕途風塵

之際有如蓬轉能必得歸隱何時俺別了這座崑
崙山呵從此猿啼鶴怨苦雨凄風不可聞見矣。**小**
生叔父就請同行罷。**副**

香柳娘想前途可知想前途可知爲君強起軟弓輕
劍非吾意。**小生**嘆天西有誰。嘆天西有誰。守着悶摩
黎還看問盧水。**合**且權宜料理。且權宜料理。頓足風
塵終當脫屣。

舊劍生衣懶更磨

漢家先許郅支和

山人自愛山中宿

何事干人費網羅

第三十六齣

決論

漆文第三
十六折三
二十七折三
廿八折了
西番事
收轉尚
毗

末生引衆上

豹子合合壯志忘身平賊虜。平賊虜。旌旗搖指。後來
蕪。後來蕪。掃盡妖氛。清國步。弔民伐罪。耀錕鋸。管取
松州一郡盡歡呼。

末生爾等四營將弁。長鎗弓箭。鈎鎌藤牌。各分隊
伍。務必勦滅此賊者。衆領鈎旨。丑上接戰下。末生

衆

前腔合。鼠跳梁。思變虎。思變虎。爭奈神龍威。福斬
妖魔斬妖魔。丑率衆打鎗上。末生引兵射箭。丑敗走
下。末生衆天遣將軍來。用武崇朝收復。永無虞。管取

松州一郡盡歡呼

丑率衆又打鎗上。末生引衆舞藤牌刀。丑率衆走

下

前腔。鏖戰三軍多勞苦。多勞苦。今朝儘力奮干戈。奮

干戈。末生引兵使鈎鏈鎗。丑復上。跪殺帶走。求饒下

介。末吩咐四營將弁。吐番論恐熱。既已逃遁。我兵且

自入關。整頓軍旅。住扎松潘三日。待本帥與花元帥

拜本合奏朝廷。即便回隴西本營者。衆領鈎旨。合功

寫凌烟誰似我。鷹揚威武壯鴻圖。看取松州一郡已

歡呼。

衆先下末生揖介未得勝鞭敲金甃响生大家齊
唱凱旋歌並下

第三十七齣

議和

內鳴鑼喊聲丑半盔甲拖鎗急奔上

縷縷金忙策馬疾如飛聽雞鳴天漸曉露華稀我棄
甲拽戈戟稍亭喘息頃足介神龍失水被蝦欺此
番想休矣此番想休矣

南蠻子好利害也前日那花老頭子被咱殺敗了
咱趕了他三日三夜他騎着那匹馬猶如神龍一
般飛也如跑的去了咱再趕也趕他不着那曉得

那花老頭子一口氣直趕到隴西節度使石子英
那邊去了聽說石子英是他拜盟的弟兄那花老
頭子畢竟請了救兵來把咱殺得大敗咱們這裏
用烏鎗再沒有不傷的那曉得那蠻子起初用弓
箭後來用鈎鏈鎗藤牌手把咱五千人馬殺壞了
一半其餘這一半見他來得洶湧都投降他去了
單單剩得咱一個棄甲遺盔拚命逃回本國只是
這般狼狽叫咱如何見得咱贊普的面天那兀的
不苦殺咱也

前腔偏辱命失前驅我那贊普呵軍機嚴律法似霜

威。哎。戰兢吾心。惴定然相逼。就是贛普肯饒恕。咱咱
怎生見得贛普羞慚滿臉。口難提。負荆恐無及。又卜
淨小生引衆上。刀州城北劍山東。甲士屯雲騎。散
風旌旆遍張林嶺動。豺狼驅盡塞垣空。俺贛普同
中書令尚綺心到崑崙山草廬中。請了子昆先生
出來。據他說。只好與唐朝和親。鎮壓諸彝。不可與
唐朝爭戰。只是論恐熱帶了五千人馬。到松州去
攻打那花節度。不知勝負如何。俺只得同了中書
令。併子昆先生一路打獵而來。探聽松州虛實。把
都兒。此地離松州還有多少路。雜啟大王還有五

百餘里。淨今晚且住扎在此。明早依舊打獵前去
便了。丑奔上掩面跪見。介淨呀。論將軍你怎麼這
般光景。想是你戰敗回來了。那五千人馬都往那
裏去了。丑啟上大王。臣蒙大王發兵五千。將松州
團團圍住。戰鬪三回。那花老頭子情極了。將城門
緊閉。半夜裏只得一人一騎。奪圍而出。臣卽刻領
兵追趕。三日三夜。那曉得花老騎坐這匹馬。猶如
神龍一般。再也追他不着。那花老一徑趕到隴西。
石節度那裏。請了救兵來。將咱五千人馬殺壞了
一半。其餘這一半都投降他去了。爲此臣也只得

一人一騎，拚命逃回。今日實無面目，叩見大王，死罪死罪。**淨**尚中書據此看起來，你令叔子毗先生所古，只可與唐朝和親，鎮壓諸獒，不可與唐朝爭戰的話，確乎有些應驗了。如今計將安出，把都兒後營請尙師爺叙話。**衆應介****副上**壺中世界青天近，洞裏烟霞白日閑。**見介****淨**先生請坐，適纔論恐熱南回，說花老大敗，破陷松州，他請了隴西石節度的救兵來，把俺五千人馬殺得大敗，沒有一個回來。爲此特請先生計議如何進兵。**副**臣當初占望星象雲氣，就啓上大王，只可與唐朝和親，不可

與唐朝爭戰。今不幸而吾言已中，爲今之計，只有和親一法，斷不可爭戰的了。**淨**就依先生和親的話，只是此時急切中，沒有個人與他打話，怎麼處。**副**不瞞大王說，臣從前克正朝侍子在南朝國子監肄業三年，與花敬定、石子英曾有八拜之交。若大王容臣去說他，臣便星夜赶到松州，央他上本和親便了。**淨**如此甚好。**副**他二人呵。

前腔真俊傑，朗襟期，雄名聞四海。震京畿，臣與他二人呵。舊雨吟床對，金蘭氣味。今朝賚命叩重圍，管取和親定如意。管取和親定如意。

淨副揖介副和親先罷戰淨知勝霍嫖姚副先下
淨小生弔場淨方纔令叔先生之言甚合吾意若
得花石二人肯聽子毘之言上本和親俺回本國
還可鎮壓諸彝倘不依允必爲諸彝耻笑有何面
目見江東父老也小生叔父此去一定成功大上
放心淨正是開迎仙客來爲鶴靜喫靈符去是龍
淨小生下末生唱上

遶地游合長虹劍氣大捷歌聲沸並雄貔整理

末映門旌旆春風起生對客絃歌白日長末弟什
凡貴鎮今日已是第二天了明早准擬率領諸將

回隴西本營今日本稿該斟酌定了午間拜了本
明日弟便可長行矣生子英兄既急欲回隴西去
弟亦不敢多留只是此本該是吾兄主稿弟只可
附名本上末敬定兄這不是這等講吐番騷擾在
松州地方非弟管轄如何弟可主稿生既如此我
二人列名同奏將始末備叙聖上覽奏自必喜悅
末說得有理雜稟二位帥爺營門外有崑崙山山
人尚子毘求見末呀子毘兄因何到此生想吐番
必有消息了吩咐快開營門請進相見副明州長
史外臺郎生憶昔同年翰墨香末一自分襟多歲

月副相逢滿眼是淒涼、生末送坐介生子毗兒數
年濶別、夢想爲勞、今日之會如天外飛來、吾二人
不覺色飛神喜、副二兄弟從那年南朝回去、不婚
不宦、學道崑崙山中、因贊普央弟姪兒綺心、同到
草廬中、央弟出山、弟占星象雲氣、卽說當遵先生
禮制、止可和親、不可爭戰、今論恐熱、被二兄攻擊、
大敗逃歸、贊普憤激、必欲復興師旅、弟再三勸阻、
只是論恐熱、逃回、贊普實無顏面、以對諸番、爲此
弟奉命而來、相央二兄作主、具本上聞、和親罷戰、
那贊普呵、

縷縷金、雖勇猛、長諸彝、馴良無狡獪、不須疑、他願絲
羅締、也是先王禮制、一朝秦晉永相依、看干戈有寧
日、看干戈有寧日。

末生弟二人、正是繕稿啓奏、今吾兄遠來、台命諄
諄、自當遵教、叙入本中、只是弟意、此本併欲相煩
吾兄親賚進京、聖上看見歸誠情切、必然准奏、副
是了、弟正要到京師、去看李君虞、會過之後、弟還
要到華山訪道、如此恰好、末生請在後營少坐、副
嵩候二兄繕本、副世上功名兼將相、人間聲價是
文章、下末寫本生旁坐介

前腔合臣手額。冒天威。番筭知革面。遠皈依。願得加恩禮。和親允議。星馳侍子。奏丹墀。望吾王鑒愚昧。望吾王鑒愚昧。

末後營請尚爺出來。副政引風霜成物色。語圓天地到陽和。末本已寫就請吾兄冠帶。就此賚本進京。末生副各冠帶內鼓吹。末生拜本副接本用黃綾本匣縛背。末生揖同下。副

前腔乘駿馬。迅奔馳。揮鞭投驛路。汗征衣。四牡啣金勒。翱翔帝里。一封草疏。奏彤庭。天顏知有喜。天顏知有喜。副上馬揚鞭下。

第三十八齣

奏復

末扮黃門上

北點絳唇。鳳闕初暎。鳴稍隱隱。爐烟噴。一陣氤氳。早仔見萬笏朝天。搢。

金闕曉鐘開萬戶。玉階仙仗擁千官。俺本朝黃門官是也。時屆早朝禮當。率先揚塵舞蹈。望闕行禮。願吾王萬歲萬歲萬萬歲。外國公帽蟒袍玉帶。小生冠帶雜提紗燈二對。導引上。

北端正好。朔方平。諸筭順。外參軍俺同你奉命回朝。今日裏呵俺和你平步朝金闕。却不道浩蕩君恩。可

正是天顏日近抒誠悃。看端冕臨軒問。

同俯伏介。邠國公右丞相臣杜黃裳率同翰林供奉朔方叅軍中書省臣李益奉命還朝謝恩朝見願吾王萬歲萬歲萬萬歲。

北倘秀才外念臣等近日呵奠沙漠博得個狼烟永奉小生運帷幄一謎價墨花洒盡合常懷着一片丹心報至尊今日裏蒙寵名驀忽地荷殊恩咫尺間天顏同覲。

末捧詔宣讀介奉天承運皇帝詔曰膺期撫世君道昭廣運之模悖德允元臣工効采疇之績功既

茂矣賞必及焉朕以眇躬承茲丕業恒率由乎祖訓惟允協于臣鄰邇者邠國公杜黃裳鎮撫有功用遣安寧許其帶劍朝房傳呼禁掖兼錫名馬歌姬田園第宅翰林李益叅軍協贊記室多功特賜尚書省同平章事頒茲異典用卹殊勲爾其欽承勿替謝恩外小生萬歲萬歲萬萬歲副冠帶昭君套賚本上仙仗肅朝官承平聖主歡月沉宮漏靜雨濕禁花寒內喝俯伏披宣介副臣吐番朝正侍子尚贊啟奏陛下

北滾繡毬抵多少西塞情漫漫的容細陳那番王贊

普命將論恐熱，胆敢在松潘構釁。松州一帶，仔聽得兵甲和笳鼓金鐃。西川節度使臣花卿，急忙忙鞭駮騎亂慌慌，投隴堙隴。西節度使臣石雄呵，一向的軍威不震，霎時間撲滅他蠢爾妖氛。論恐熱棄甲遺盔，逃回本國。贊普憤激，仍欲與師相抗。臣家住崑崙山中，不婚不宦，隱居求道。那贊普就商于臣，臣因當年曾克朝正侍子到京，蒙聖恩命臣入國子監肄業。三年成均，臨行時又蒙聖恩賜宴歸國，畀以隆禮。臣至今感戴無地，想當年親沐君恩，思報德臣因而極力勸阻，言占星望氣，大不利于戰爭。今渠悉遵先王禮

制，但求照例和親。贊普聞言首肯，但見他願順天朝，欲締姻。臣將命至松潘營中，石雄花卿卽繕本上聞，命臣賫奏，因此上再叩明君。

末捧本下副見小生揖介外此位是誰副揖介小生這便是昔年吐番朝正侍子尚子毗前蒙聖恩留京三載，賜國子監肄業的。**外**元來如此此番又因何事賫奏丹墀。**副**山人自那年歸國卽返崑崙山中，草廬數椽，道書幾卷，不婚不宦，隱居樂志。因番王贊普央俺姪兒綺心親至草廬中，強俺出山，俺固辭不受其爵秩。贊普求俺占星望氣，志在

劫俺再三力阻、勸他悉遵舊制、仍與唐朝和親、不可爭戰、先是贊普遣將論恐熱、劫掠松潘、得勝被隴西石節度引兵救援、論恐熱大敗、逃回贊普方信俺言不謬、聽俺主裁、俺與石節度花節度、當年有八拜之交、爲此一徑趕到松州、說明和親之事、兩節度俱具本章、命俺賫奏、今在朝中、得親覩相國台範、亦生平至願也、**外**有此功績、聖恩自必褒賞、末捧詔宣讀、副俯伏介、奉天承運、皇帝詔曰、來享來王、固朝廷體統所係、和親和議、亦國家情分、攸關嗟爾贊普、昔嘗稱干比戈、肆跋扈于遠塞、今

則投城、皈命、能懾服于本朝、論恐熱不識天命、徒遭喪敗、而却走、尚贊、深知氣運、不憚跋涉、以求成、兩節度具有本章、予一人寧無動念、恕其猖獗、許彼皈誠、杜黃裳、李益已命還朝、脩朕心膂之資、花卿石雄亦令來京、同享麒麟之宴、昭朕德懋懋官、功懋懋賞之至意、**副**萬歲萬歲萬萬歲、

煞尾、衆合、高深俯仰、皆思奮、外內沾濡、均戴恩、樂堯天、頌虞舜、遍遐邇、稱聖神、鞏固皇圖、萬年運、**並下**

第三十九齣

針圓

小旦上

鵲橋仙。漢曲榆芬。河邊鵲影。閣道商吹。暗驚拋梭。振躡動明璫。還拚取。今宵耿耿。

烏鵲橋邊。雙扇開。年年一度過河來。莫嫌天上稀相見。猶勝人間去不迴。奴家自送別。十郎朔方。秦軍已經數載。當年七夕相憶。復是今宵。昨日郭王府小侯家。差官兒來報信。說郭娘娘着宮人傳示。奴家十郎同杜相國奉特旨欽命還朝。只在早晚回府。真盼殺奴家也。所喜今宵七夕。只不知能趕到否。

念奴嬌

序嬌

人間天上數佳期。新近秋容太液波澄。院宇

黃昏籠薄靄。幾看清淺。閑庭輝映。雲母屏開。水晶簾捲。月微風細。淡烟景。同玩取河邊巧渡。此夜雙星。

老旦上。盈盈一水邊。夜夜空自憐。不辭精衛苦。河流詎可填。女兒小玉。自十郎去後。每逢佳節。轉是傷神。今夕又逢牛女相會之期。俺已着浣紗烏兒。去請鮑四娘。杜秋娘。過紅樓穿針乞巧。與女兒消遣。想必就來。見介。老旦兒。郭娘娘傳諭。十郎雖則早晚到家。但今乃七夕佳期。無以爲歡。俺已去請鮑四娘。杜秋娘來。與你穿針消遣。小旦多謝母親。

旦貼上

遠地遊驚秋梧影。玉露金風冷。看一片彩雲不定。

相見介老旦鸞扇斜飛鳳幄間。正旦星橋橫過鵲。飛廻貼爭將。世上無期別。小旦換得年年一度來。旦貼久不曾相問。六娘和郡主。今夕又是七夕佳期了。老旦正是相請過紅樓。同候雙星。正旦織女渡河原是隨人間拜乞的。老旦庭中已排列香粉。請四娘秋娘先拜。旦貼六娘只當是主壇的。請六娘郡主先拈香拜禱者。老旦借了。老旦拈香拜介。念奴序嬌河影層波夜炯。怕空濛霧染機絲粘露寒疑。天上神山終歲呵脉脉。此情誰證。係幸喜極慵粧歡。

來罷織今宵堪訴別離情。合同玩取河邊巧渡。此夜

雙星。旦貼拈香同拜介。

前腔還倩那些縹緲銀鸞參差烏鵲。斷虹低處橋成。河濱私慶露冷雲衣。

小旦拈香祝拜介。還記那年同十郎在萬錦園中。

昆明池上對牛女盟言。奴家時時佩服在身。不料十郎一去數載。今早晚雖則就歸。只是今夜對此雙星。不得一同拜禱。好生傷感。我想天孫此時呵。前腔端正步障停雲眉梁瀉月。一年情向此中傾碧。

各空明。清虛處。微茫環珮。玳瑁私聽。百子池邊。斗牛宮裡。
風中微語。笑分明。

老旦 祝拜已畢。請同到樓上穿針。同上樓介。老旦
步月如有意。小旦 情來不自禁。正旦 向光抽一縷。
貼 舉袖舞雙針。旦 貼 六娘這樣巧。都讓與郡主。少
年人就請郡主先穿了。便到六娘。小旦 借了穿針
介

古輪臺。合 夜雲輕。秋光銀燭。令圍井水沉。細縷香生。
鼎紅樓掩映。問誰許。宵正月下穿針。清興羨。殺雙芒。
此夜盟。把人間私願。一時并商量。不定暗風吹。羅帶

輕。繁柔情似水。佳期如夢碧天瑩。淨河漢已三更。良
宵耿。看此時誰在迴廊影。

老旦 請下樓罷。衆並下樓介。雜上。涼秋當七夕。雲
閣度雙仙。願爲青鳥使。報書明鏡前。稟上老夫人
郡主。參軍爺已到。老旦 真個湊巧。老身喜也。女兒
喜也。小生上

凌波仙子。河鼓初諠。太液池。九華燈裏動星輝。繩河
暗度尋源使。還及瓜期。

拜見介。萬里長歌古別離。小生 只今秋月照羅幃。
老旦 也知游子多悲苦。小生 幸好容顏似昔時。小

旦天涯涕淚隔參辰。小生塞外還思樓上人。小旦今日雙仙會遙漢。小生免教蓬首對河津。老旦杜秋娘是不曾見十郎。鮑四娘也在此迎候。見介正旦仙使南歸坐玉京。貼聞名空望紫微星。小生今宵漢陌連歌笑。合還是麻姑會蔡經。小旦十郎自你去後展轉相思。每遇佳辰更成凄楚。年年七日為你曝衣晒書。今年七夕恰好團圓。記得昆明池上對了牛女。結誓盟言。今日巧逢莫非雙星之靈也。各坐介。小旦

轉林鶯銀河拂樹驚。秋氣望闕河不盡。相思掩紗窓。

碧霧濛濛淚。理輕紈。幾度沾衣。幸昆明舊誓。盼牛女時時記取。今夜裏呵。弄清輝。金槃墮。蟾迎得故人歸。

小生小玉姐。俺在朔方。卿居南國。雖無日夕之會。長有往來之魂。所寄畫屏詩句。真堪痛絕也。

前腔河西漢右瞻靈匹。俺仙槎奉使虛隨。嘆當年倏忽成離異。幸依然舊石支機。看百枝光裏。晃燭影凝眸相睇。今日恰好榮歸。信良緣也。小玉姐。俺和你同拜雙星。何如。小旦恰好同拜介。正佳期。金針綵線久別似新知。

小旦十郎夫。可記得當年訂婚之時。俺曾着浣紗

扮作鮑四娘養女。到你書院中來探親。你在金縷
箱中取出紫玉釵為聘的光景麼。小生怎不記得。
今日叙股雙飛。玉燕依然對此雙星之下。重得團
聚。煞僥倖人也。

玉鶯兒合。玉釵微膩。尚依然紅絲繫持。影差池。幾粟
明珠。超。毳。毳。片茸春翠。壓雲梳半。犀。嫋。風。鬟。半。絲。看
呢喃似欲訴心窩。事唱和隨。燕釵差比。但願得比翼
雙飛。

尾聲衆合。捺香方勝同心記。恰好的巧合在針圓七
夕期。今後呵。惟願取歲歲年年五色絲。

添此一齣
包羅萬象
竟色工妙

香思年年度翠梭 從今無復恨分河
休誇天上清歡少 自是人間喜事多

第四十齣 簫合

生末副全唱上

窄地錦繡幾年睽隔。暗魂銷千里相思。夢亦遙。良緣
恰好會今朝。剪燭西窓。意氣豪。

生末副全拜見介。生人生不相見。小生動如參與

商末焉知二十載。副重上君子堂。各坐介。生弟同

石尚二兄。凱旋之後。奉命回朝。今特潔誠造候。一
叙濶襟。小生弟與諸兄數年久別。天各一方。不能

片扎通候、相思萬千、時勞夢寐、今喜花石二兄回朝復命、尚兄賚本人、都重得聚首一堂、真千載一時也。丑上雜報介

玩仙燈、憶昔射雙鵬、贈花聰博、得個佳人一笑。

進見拜介丑喜氣來千里小生春風總一家生末

副各見介丑側聞狀元恭膺寵命同杜平章入朝

晉爵今特端誠賀喜小生不敢弟剛得言旋正欲

奉拜恰荷先施生向丑介王孫

望吾鄉、意氣雲霄、綢繆似漆膠、感君恩誼、無由報。丑

先生何出此言小茅當日一馬之贈何足掛齒頰生

非也、弟與番將論恐熱、交戰三合、他那裏有五千、人

馬、我松潘駐扎、只有三千羸弱兵、如何敵得他過、因

而赶到隴西、相求石子英兄、發兵救援、那時論恐熱、

一路追來、全虧了王孫所賜這匹紫玉驄、晝夜兼程、

一口氣直赶到隴西、幸荷子英兄、念當年盟誼、發兵

追勦、得以復勝凱旋、今日餘生皆王孫大德也。丑豈

敢生風馳電發、功非小戴、月響鸞鏡、披星鳴鞞、鞞餘

生皆再造

丑當日承將軍以名姬贈弟、弟見其弟咽忘食、殊

戀戀于將軍、弟恐傷其意、遂置諸閒庭別院、安頓

在翠梧桐中往來出入聽其自便聞十郎聘得小
玉郡主卽央四娘執柯郡主又曾延四娘教歌弟
府中不過花晨月夕聆其節奏觀其舞態從無比
昵褻狎也生感王孫愛護周全曲成其美實深銘
五內丑豈敢

前腔一曲紅綃芳名樂府標弟若留在府中只怕藏
珠韞玉騷人謂若竟棄置青樓污穢之地又恐怕焚
琴煮鶴先生悼因此安頓翠梧館中祇望他中夜免煎
熬閒情散寂寥弟一片苦心別無他意不過竚候君
家到

小生王孫與花兄當年贈姬換馬原因鄙人撮合
成事今花兄在松潘以馬建功王孫得姬又置別
館此種豪俠氣槩曠達行徑非人所能測識今據
鄙人愚見仍將紫玉驄奉趙王孫鮑四娘還歸花
兄芻蕘之論未知恰合高人意見否

前腔吾輩風騷寧甘世俗嘲不拘小節方爲妙羨你
個襟期朗徹秋陽皎今日裏呵依舊是玉粉翠雲翹
金鐙寶鞭敲似這般行徑呵問今古誰同調

丑旣承指教小廝吩咐打轎到翠梧館請鮑四娘
過來拜見花將軍者生猥蒙王孫雅愛刻骨銘心

真沒齒不忘也。那紫玉驄現在廐中，煩秋鴻帶來，送還王孫府去者。**旦**上拜**丑**介。
哭相思鏡破重圓，恩不小珠還合浦，身難報。**丑**你拜花將軍者。**旦**拜生介。夢入邊關，望遠行可憐，魂逐行旌掉。

此處正
救
白

內馬嘶聲雜帶馬上衆出看介。小生笑指**旦**又指馬介。這正所謂壁則猶是而馬齒加長矣。衆笑介。
小生王孫既慨然送還鮑姬，自足千古，弟記得當年王孫射鵬之時，曾邀王孫全听四娘法曲，今恰好又遇人曰弟當初製有宜春令一闋，霍王即以

是日登高聽曲，因此仙遊華山而去，雖巴人之詞，有污清聽，但四娘既完璧歸趙，弟意欲求花兄命四娘歌弟所製宜春令一闋，以博諸兄清鑒，不知花兄以爲可否？**生**當得奉命，四娘你可記得此曲否？**旦**名人歌詞，妾時時諷詠，怎麼不記得？**生**既如此，你試歌來。**丑**且慢，弟有一句不知進退的話，請教狀元向見家姊貴妃說，元和十四年正月元宵之夜，聖上賜宴群臣，後與民同樂，在華清宮放燈，不論男女聽其觀玩，漏下三鼓，宮掖扃鎖，其時郡主在殿堦之下，拾得紫玉簫一枝，係貴妃娘娘之

物郡主被金吾衛搜獲，卽行啟奏，奉旨將郡主發與公主勘問，訊知是霍王郡主，又係狀元聘娶公主，據實奏聞。聖上命將紫玉簫賜與郡主，令御前宮娥宦臣撤金蓮寶炬，送歸王府。弟見公主每每稱道不已，得悉其詳。今花兄旣命四娘歌狀元所製宜春令，弟等敬請郡主拜見，出紫玉簫以和之。庶幾名士吟咏一經，佳人品調便稱一時盛事。千古絕調矣。小生領命，秋鴻吩咐浣紗櫻桃，請郡主上堂者。小旦上。

粉蝶兒綉閣鸚哥，報道嘉賓，謔笑。

稽評
此處正
收拾紫
玉簫

衆小旦各拜介。衆鳳城景色已含韶，人日風光倍覺饒。小旦桂吐半輪，迎此夜萱開七葉。應今朝旦。

小旦俱北面坐，衆依次旁坐。旦唱小旦吹簫介。

宜春令。日初長，年暗消，空襟塵，花填酒，澆饒他王母。依然白髮啼青鳥，日輪中逐日人，忙人世上愁人日。老願君王人日千秋，仙顏轉少。

生十郎你當初一到京師，都門樂府競傳開簾風。動竹疑是故人來之句，後來又製宜春令，并黃龍探春燈，二闋霍王遊仙，固因此宜春令感觸出門。記得那年元宵之夜，聖上駕幸華清宮賞燈，命教

坊司暫停餘樂，另唱新詞。教坊司隨將狀元所製探春燈一闋，按節而歌。聖心喜悅，問係何人所作。嚴院使奏稱係隴西進士李益所製，聖上誇爲才子。將狀元名字粘諸御屏，詞苑中至今傳爲盛事。今日雖非元宵，郡主旣以紫玉簫和鮑四娘歌，宜春令弟等躬逢其盛，并請狀元自歌探春燈一闋，仍煩郡主品和繞樑之音，當稱雙絕。不知狀元意下如何。小生謹領。小旦吹簫，小生唱。

黃龍探春燈，縹緲紅雲青鸞成陣。聯袂踏歌風韻，紗籠半影。笑語遙分衣香暗認，謾挨塘細柳腰輕解縱。

送廻波眼俊，璧月度歌塵。大地生春，大地生春。

丑生妙哉歌也。白雪之吟，霓裳之奏，當不過是。貼老全上。

粉蝶兒兀坐紅樓，聞道香雲飄緲。

雲翻簫管相隨去，星觸旌幢各自流。各見介貼老。

適見園公來報，萬錦園中麗春臺上，仙樂繽紛，祥雲繚繞，兼有鸞鶴廻翔，旌旗掩映。且今日又逢人日，得非吾王仙駕臨馭，應驗去秋吾王面諭杜秋娘，明年人日當有良會之語乎。衆旣如此，吾等同到萬錦園中瞻拜一番，正是昔年夢覺乘風去，今

日修成跨鶴來。衆下內細十番淨黑臉黑甲黑髯
副銀甲白臉白髯各執鞭鐮雜扮二道童綵衣各
執幢幡貼扮二仙女羽衣紅裳各執旌旄引外玉
芙蓉冠九光衣執拂曲柄孔雀翎毛翠蓋翠蓋第
二簷用白綾地嵌倭緞字字嵌西嶽霍王清府上
宴蟠桃外東風料峭吹上丹霄看冉冉紅雲夾道
孤自入華山以來修真復性鍊炁存神吸日月之
精華幾經寒暑採山川之靈秀數易春秋食柏餌
芝早得箇中玄妙餐霞宿露深知就裏乾坤茲當
氣轉東郊寒收北陸乘興逍遙於雲路縱情放浪

於塵寰今日恰好又是人日萬錦園中尚有未了
公案索與他完此夙緣也傳孤法旨導引車輦往
京師萬錦園中去者

望吾鄉翠蓋雲翹乘風下紫霄驂鸞跨鶴祥光繞丹
顏道貌真不老那熱鬧場中富貴孰能逃清涼我獨
超吩咐侍從人等雲頭暫駐着

升高處坐介雜啟上吾王已到萬錦園麗春臺了外
你看殿閣嵯峨亭廡掩映綠水半灣當戶瀟青山
一帶入樓臺風景依稀如故那年人日登高猶如
昨耳衆暗上俯伏介外呀爾等有何情旨可就此

披宣奏上者。曰。老妾輩今日仍得瞻仰慈顏。于願足矣。惟小玉擇婿。李益向未即見。今同花卿石雄尚贊併汾陽王第三孫郭鋒世一同稽首皈依。願吾王千歲。

外

浪淘沙。人日又今朝。萬錦春嬌。當年人日登臺。二姬歌李益所作宜春令新詞。孤原說此生莫遣頭如雪。貴人頭上不相饒。你看孤今日呵貴人頭上。宰相饒只是邸第紅塵。雖不染。不如華嶺逍遙。華嶺逍遙。

外暗下衆稽首介

前腔。合拜送響雲。瓊颯颯。神颯颯。鸞鶴異香飄逸。

轡元乘人去遠。恰勝他華頂三高。華頂三高。鴛鴦煞尾。紫玉釵分紫玉簫。琢成全壁費推敲也。只爲我三年病破愁殘也。因此上訂舊譜綴新詞。劈箋研露點紅么。



